

Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. 27, 3. december 2018-imeersoq

(Ajoqinik aamma pattattunik ilinniartitaanernik aaqqissuussinerit aamma nipangiuserimasassanik ilisimatitseqatigiiffiusumik oqaaseqaatissanullu tunngasunik il.il. ataatsimiittarnerit)

§ 1

Inatsisartut inatsisaat nr. 9, ulloq 19. maj 2010-meersoq, allanngortinneqartoq Inatsisartut inatsisaatigut nr. 2, ulloq 29. november 2013-imeersukkut, imaattunik allannguuteqartitsisoqassaaq:

1. § 20, *imm. 1*, oqaaseqatigiit siulliit imatut oqaasertalerneqassapput:

”Palasip atuagarsuarnik allattuisuusup nakkutigisarissavai oqaluffiup illutai toqusut inaat ilanngullugu.”

2. § 20-imi, *imm. 3*-tut ikkunneqassaaq:

” *Imm. 3*. Naalakkersuisut nakkutilliinermut malittarisassiorsinnaapput.”

3. § 25, *imm. 2*, imatut oqaasertalerneqassaaq:

” *Imm. 2*. Biskopip ajoqinik ilinniartitsinerimi aaqqissuussineq aalajangersartassavaa, tamatumani aamma pikkorissaasarnermut ataatsimiititaliaq, ilinniakkamut isernissamut piumasagaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalakkersuisunut akuersissutigisassatut nassiuttassavaa.”

4. § 26, *imm. 2*, imatut oqaasertalerneqassaaq:

” *Imm. 2*. Biskopip pattattunik ilinniartitsinerimik aaqqissuussineq aalajangersartassavaa, ilinniakkamut isernissamut piumasagaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalakkersuisunut akuersissutigisassatut nassiuttassavaa.”

5. § 26 *e*-mi *imm. 1*-ip kingorna immikkoortutut nutaatut ikkunneqassaaq:

” *Imm. 2*. Ilisimatitseqatigiiffiusunik ataatsimiinnerit tamanut ammasuunngillat. Ataatsimiinnernit imaqarniliaasinnaasut allattugaatillu isertuussassaapput.”

Imm. 2 taamaasilluni *imm. 3*-ngussaaq.

6. § 26 *f*-imi ikkunneqassapput *imm. 1*-ip kingorna nutaatut immikkoortutut:

” *Imm. 2*. Ilagiit sinniisaasa oqaaseqaateqareerneranni, sulili biskoppi Naalakkersuisunut *imm. 4* naapertorlugu inassuteqaateqanngitsoq qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq.

Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.

Imm. 3. Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 4*-nngussaaq.

7. § 26 j-imi *imm. 1*-ip kingorna immikkoortutut nutaatut ikkunneqassaaq:

” *Imm. 2.* Ilisimatitseqatigiiffiusumik ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 3*-nngussaaq.

8. § 26 k-mi *imm. 1*-ip kingorna nutaatut immikkoortutut ikkunneqassapput:

” *Imm. 2.* Qinnuteqartup qinnuteqaatini utertippagu, ilagiit sinniisaasa oqaaseqaateqareerneranni aammalu biskoppi suli Naalakkersuisunut inassuteqaateqanngitsoq *imm. 4* naapertorlugu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.

Imm. 3. Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 4*-nngussaaq.

§ 2

Inatsisartut inatsisaat atortuulerpoq 1. januar 2019.

Imm. 2. Ilutigisaanik atorunnaarput Namminersornerullutik Oqartussat nalunaarutaat nr. 15, 26. april 1985-imeersoq, Kalaallit Nunaanni ajoqissat ilinniartitaanissaannut tunngasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq.

Namminersorlutik Oqartussat, ulloq 3. december 2018



Kim Kielsen